


دیل و دۆنیا گۆروشو

ابراهیم رفر



مۆختلیف خالقلارین دیللی نین تحلیلیندن بئله بیر قناعته گلمک اولور کی، دیل تفکوروبون سرحدلرینی مۆعینلشدیرن گۆجلو بیر عامیلدیر. اینسان مۆعین دیلده مۆعین تفکوروبون طرزینده دۆشونمگه محکومدور. هر دیل مۆعین بیر تفکوروبون طرزینی اینسانلارا تحمیل اندیر. دیلین سرحدلری تفکوروبون سرحدلری تانی نیر. بئله لیکله بیر قدر مۆبالیغه لی شکیلده دئمک اولور کی، اینسان دیلین کۆله سیدر.

بؤنظریه بوندان اول مشهور آلمان فیلو سوفو ویلهلم فون هومبولت (۱۷۶۷-۱۸۳۵) طرفیندن اورتایا چیخاریلمیش و بئله بیر حؤکم شکیلینده ایفاده اندیلمیشدیر کی، اینسانین دۆنیا گۆروشو دیلدن آسیدیر. بونون باشقا ایفاده سی ۱۹۳۰- لاردا مشهور دیلچی Edward Sapir و Benjamin Lee Whorf طرفیندن اورتایا قویولموش و گرگین مۆباحیته لره سبب اولموشدور.

بؤنظریه نی سیناماق اوچون چؤخلو تجروبه لر آپاریلمیش، فرقلی نتیجه لره گلینمیشدیر. آنجاق سون واختلاردا برازیلیانین «پیراها» آدلانان یئرلی قبیله سی ایچینده آپاریلان تجروبه بو ساحده یئنی فیکیر فیغلیجیملارینی آلیشیدیرماقدادیر.

مسأله اوندادیر کی، سؤز وگندن قبیله نین دیلینده آنجاق «۱» و «۲» سایلاری اوچون کلمه مۆوجوددور. ایکدن آرتیق اولان کیمتله بو اینسانلارین گۆنده لیک یاشاییشیندا هانسیسا رول اوینامیر و یئری گلینجه «چؤخ» سؤزو ایله تمثیل اندیلیر. بو اینسانلار چؤخ واختلار اوز او اولادلاری نین ساینی بیلیمیر و «نجه اوشاغینیز وار» سؤالی ایله قارشیلادیغی زامان «اوشاقلاریم چؤخدور» دئییه جواب وئیریر.

آپاریلان تجروبه لرین بیرینده بو اینسانلارین قارشیسیندا ایکی سیرا اشیاء دؤزولور. بیرینجی سیرا ۴ شئیدن، ایکینجی سیرا ایسه ۵ شئیدن عیبارت اولور. تجروبه ده ایشتیراک ائدن شخص بو ایکی سیرانی فرقلندیره بیلیمیر.

بیر باشقا تجروبه ده تحقیقاتچی طرفیندن بیر نجه شئی توربادان چیخاریلیب، میزین اؤستونه دؤزولور و تجروبه ده ایشتیراک ائدن شخصدن ایسته نیلیر کی، اؤزونون تورباسیندا اولان اشیالاردان عئین سایدا چیخاریب، میزین اؤستونه دؤزسون. تجروبه دن بئله چیخیر کی، اشیالارین سای ۳- دن آرتیق اولدوغو تقدیرده، تجروبه ده ایشتیراک ائدن شخص یانیلیر. نه قدر اشیالارین سای چؤخ اولسا، یانیلما نیسبتی ده بیر اؤ قدر آرتیق اولور.

بىر باشقا تېجروبهده تحقيقاتچى اۆز الى ايله ميزه بىر نېچە ضربه وۇرور و تجروبهده ايشتىراک ائدن شخصدن ايشته بىر كى، عئین ايشى تکرار ائتسىن. مۇشاهيدهلره گۇره، ضربهلرین سایی ۳- دن آرتیق اۆلدوغو تقدیرده، تجروبهده ايشتىراک ائدن شخص يانیلیر و عئین سايدا ضربه وۇرماغى باجارا بیلیمیر.

تحقيقاتچى بئله بىر قناعته گلیر كى، ديلده سايلارین محدود اۆلدوغو بۇ ايسانلارین دۆشونجه سینی ائله بىر شكیله فۇرمالاشدیریر كى، ۳- دن آرتیق اۆلان كمیتلر اۆنلارین دۆشونجه دۇنياسیندا تمثیل اۆلمور و بۇرادان بۇ قناعته گلیمك اۆلار كى، تفكۇرون گئنىشلیگی ديلین سۆز خزینه سى و قراماتیک قابیلیتلری نین گئنىشلیگی قدردیر. بۇ ايسه ایلک دفعه ۱۹۵۰- جى ایلده اۆرتايا چىخاریلمیش «دیل جبریتی» نظریه سى نین اۆزگینی تشکیل ائتمكده دیر.

تجروبه نى اُپاران، جان هاپکینز دانیشگاهینا منسوب اۆلان تدقیقاتچى عالیم پتر قوردون (Peter Gordon) بئله اینانیر كى، «دیل جبریتی» نى تفكۇرون بۆتون ساحه لرینه عایید ائتمك دۆزگون اۆلماز و علاوه ائدیر كى، یقیناً دۆشونه بیلدیگیمیز، آنجاق حاقیندا دانیشا بیلمه دیگیمیز بىر چۆخ شیلر ده وار.

نظریه نى تنقیده چكنلر بئله فیکیر یۆرودورلر كى، ديلین سۆز و قراماتیک محدودیتی تفكۇرون آلت قاتلاریندا جریان ائدن پروسسلره آز- چۆخ تأثیر بۇراخیرسا دا، كسکینلیكله دئمك اۆلماز كى، ايسانین یۇخارى قاتلاردا دۆشونجه قابیلیتی دیل جبریتی ايله باغلیدیر. میثال اۆچون ايسکیمو ديللرینده «قار» سۆزو اۆچون بىر چۆخ كلمه وار و بۇ كلمه لر قارین مۆختلیف نۆولرینی تمثیل ائدر. بۇنون سببى اۆندان عیبارتدیر كى، ايسکیمو حیاتیندا قار چۆخ یاغین بىر طبیعى حادثه دیر و بۆتون معیشتله سیخ باغلیدیر. ايسکیمو هئچ واخت بۇ كلمه لر بىر- بیری ايله دیشیک سالماز. آنجاق باشقا ديللره منسوب اۆلان شخصلر ده همین قاوراملاری ترکیبى سۆزلر واسیطه سى ايله ایفاده ائتمك ایمکانینا مالیکدیر.

بۇنونلا بئله، اطرافیمیزدا اۆلان ديللرین هر بیرى نین مۆعین اینسان متالیتیه سى و پسکولوژیسی ايله و مۆعین ایموسیونال دۇرۇملارلا باغلی اۆلدوغو فیکرینی جسارته مۇدافیه ائتمك اۆلار. هر ديلده كۆگى میقداردا بدیعى ایفاده لى آتالار سۆزو و دئیملر وار كى، اۆنلاری تجرومه یۆلویلا باشقالارینا آنلاتماق مۆمکون دئییلدیر. تجرومه جهدلری آز- چۆخ نایلیتلی اۆلدوغو حاللاردا دا، جۆمله نین روحو دگیل، ساده جه اۆنون «حوقوقی مضمونو»، «منطقی مضمونو» تجرومه سۆزگیندن كئچه بیلیر. حال بۇ كى جۆمله ساده جه «منطقی حۆكم» دئییل، جۆمله منطقی حۆكمدن چۆخ داها ایرلی گئدن بىر حادثه دیر. جۆمله نى منطقی حۆكمدن فرقلندیرن باشلیجا عامیللردن بیری ایتنۇناسیا (جۆمله نین سس آخیمی) و بیری ده اۆنداكى مۇدالیته، یاخۇد دا «دانیشان شخصین نطقین مضمونونا قارشى روحو مۇناسییتی» ندن عیبارتدیر كى، بۇنلار بیریكله مۆختلیف ایموسیونال وضعیتلری یارادیرلار. تجرومه یۆلویلا بۇ ایموسیونال مضمونلاری آنلاتماق چۆخ چتیندیر و بىر جۆمله نین یثرینه بىر نېچه جۆمله و بعضاً حتا بىر صحیفه دن آرتیق سۆز تۆپلوسو لازیم گلیر و بۇ دا کیفایت ائله میر.

«الیم الدن اۆزولور» کیمی میثالدا منطقی معنا چۆخ محدوددور، آنجاق بۇ ساده جۆمله نین ایفاده ائتدیگی ایموسیونال وضعیت اۆلدوقجا مۆرکب دیر:

کیمسه سیز قالمیشام، اۆلوم منیم اۆستومو آلیر، چاغیریرام، هئچ کیم سسیمه سس وئرمیر، سس وئرنلر ايسه منه یاردیم ائده بیلیمیر، ایستکلیلریمدن اۇزاقلاشیرام، هله آرزولاریم وار، نه اۆلار، منى حیاتا قایتارین، بىر داها سیزلرین ایچینیزده اۆلوم، نفسلرینیزه قۇووشسون، من هله گنجم، هله بۇ حیاتدان مۇرادیمی آلامامیشام.

بیر زامانلار ویتگنشتاین (Witgenstein) بئله بیر ایفاده ایشلتمیشدیر کی، «دیلمین سرحدلری دۇنیامین سرحدلریدیر». بۇنا اینانماق اۆچون چۆخ اۇزاقلار گئتمک لازیم دئییلدیر. فارس دیلی نین ایسلام- اۆنجه سی و ایسلام- سۇنراسی یارادیجیلیق قابیلیتلی نین مۇقاییسه وی تحلیلی کیفیت اندر. دئمک ایسلامیتین گلیشیندن بیر آز سۇنرا بۇ دیلین یارادیجیلیق قابیلیتی نین تخمیناً سیفیر سویه سیندن آرتاراق گۆزه گلیملی سویه یه چاتماسی عرب دیلی نین ایفاده گۆجونو گۆسترن بیر فاکتدیر. عرب دیلینی ریاضی علملری نین اینکیشافینا پارلاق یول آچان و اؤنو بۆتون گۆزلیکلری ایله گۆز اؤنونه گتیرن بیر دیل کیمی تانیماق اولار. عرب دیلی هابئله فلسفه، منطق، عیرفان، حوقوق و بۇ کیمی ساحه لرده چۆخ باجاریقلی واسیطه لردندیر و بۇ علمی ساحه لرده کیتابلاری و درس و ساییطینی چیلخا فارسجا یاخۇد دا چیلخا تۆرکجه حاضرلاماق اؤغروندا اپاریلان عیناد بۇ علملری قاندالایا و عۆمومی ساوادسیزلیغا یول آچا بیلر.

من بۇ سۆزلرله اؤنو دئمک ایسته میرم کی، بیزیم ریاضی کیتابلاریمیز عرب دیلینده اولمالیدیر. اماً کسکینلیکله دئییه بیلرم کی، فارس دیلی یا خۇد دا تۆرک دیلی علمی ساحه لرده عرب سۆزلری نین یاردیمی اولمادان کئچینه بیلیمز. چیلخا فارسجا یا خۇد دا چیلخا تۆرکجه یازیب- یاراتماغین طرفداری اولانلار اۆچون خۇشاگلیملی بیر خبر اولماسا دا، بۇ، دیل جبریتی نین پارلاق بیر نۆمونه سیدیر.

آنا دیلی نین حۆرمتی اؤندادیر کی، اینسان شخصییتی نین و دۇنیا گۆروشونون فۇرمالاشماسیندا اساس رۇلا مالیکدیر. دیل جبریتی نین موعین معنادا قبول ائلمه میشیک، آنجاق بیر حقیقتی ده قبول ائلمه مک لازیمدیر. جبریتین قارشیلیغی آنارشیزم دئییل، بیلیم یولویلا آزادلیغا قۇوشماقدیر. نه قدر کی اینسان علمسیزدیر، طبیعت قانۇنلارینداکی جبریتین کۆله سیدیر. اینسان جاذبه قۆوه سی نین کۆله سیدیر. آنجاق همین قانۇنلاری، همین جبریتی علمی شکیلده تانییب، اولاردان دۆزگون فایدالاندىغی شرطله اینسانین گۆجو آرتیر و کۆله لیکدن قۇرتولور. جاذبه قۆوه سی ده بیر قۇدرت واسیطه سینه چنوریلیر. باشقا سۆزله جبریتدن یاخا قۇرتارماق اۆچون جبریتله ایش بیریگینه گیرمک لازیمدیر. یعنی اینسانین آزادلیغی همین جبریتدن دؤغور.

آنا دیلی نین جبریتی بیر آز اول دانیشدیغیمیز کیمی، اؤندادیر کی، اینسان طبیعتله و حیاتلا قۇردوغو مۇناسیبتده موعین قدر بۇ دیلین جیزدیگی جیزگیلر چرچیوه سینده حرکت ائلمه لیدیر. من دئیردیم، خالقیمیزین صداقتی، اۆرک گئنیشلیگی، رئالیستلیگی، دۇیغوساللیغی و ال آچیقلیغی و بیر سۆزله پسیکولوژیسی دیلیمیزین ذهنیمیزه تطبیق ائتدیگی جیزگیلردن ایرلی گلیر. دیلیمیزده قۇپارماق، قازماق، یولماق، اۆزمک، اۇیماق کیمی فعللر فارس دیلینده «کندن» فعلی نین قارشیلیغیدیر. بۇ، دیلیمیزده طبیعی حادثه لرله مۇناسیبتلرین زنگینلیگینی گۆستریر. بۇ کیمی دیل حادثه لری دیلیمیزده آز دئییل، و هامیسی اؤنا دلالت ائدیر کی، خالقیمیز دیقئجیل بیر ذهنیه مالیکدیر. باشقا سۆزله دیلیمیز خالقیمیزی دیقئجیل اولماغا محکوم ائتمیشدیر. نجه کی آغریماق، سانجی ائلمه مک، گۆینه مک، گیزیلده مک، زوققولدا/ماق و اینجیمک هامیسی فارسجانین «درد» سۆزونون قارشیلیغیندا ایشلنیر، آنجاق مۆختلیف معنا چالارلارینی ایفاده ائدیر. بۇرادان دا بۇ نتیجه نی چیخارماق اولار کی، دیلیمیز خالقیمیزی دۇیغوسال اولماغا محکوم ائتمیشدیر. دیقئله باخیلدیغیندا آیدین اولور کی، بۇنلار کۆله لیک دئییل، برکت قایناغیدیر، اینسان شخصییتی نین گئنیشلیگینی گۆسترن دیل فاکتلا ری دیر. اینسان گئنیش دۆشونجه یه مالیک اولماغا محکوم ائدیلمیشدیر. بئله لیکله گۆرونور کی، آنا دیلی اۆز مۆرکبلیگی، اۆز گئنیشلیگی، اۆز اینجه لیگی ایله اینسانین آزادلیغی نین تملینی تشکیل ائدن فاکتدیر. آنا دیلیندن محروم ائدیلمیش اینسانلار کۆله ساییلار.